



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-976/09
Sarajevo, 7.4.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 8-4-2009.			
Organizaciona jedinica	Klasifikaciona oznaka	Redni broj	Broj priloga
01	50-1	1547	09

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 82. sjednici održanoj 2.4.2009. godine, utvrdilo je Odgovor na zastupničko pitanje koje je Azra Alajbegović, zastupnica u Zastupničkom domu Parlamentarne skupštine Bosne i Hercegovine, postavila na 47. sjednici ovog doma održanoj 4.3.2009. godine.

U pravitku dostavljamo Odgovor uz molbu da isti uručite zastupnici.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-976/09
Sarajevo, 2.4.2009. godine

Azra Alajbegović, poslanik u Predstavničkom domu Parlamentarne skupštine Bosne i Hercegovine, na 47. sjednici Predstavničkog doma održanoj 4.3.2009. godine, postavila je sljedeće poslaničko pitanje:

"Kada će se stvoriti uslovi da Agencija za lijekove počne sa radom u punom kapacitetu?"

Na postavljeno pitanje, Vijeće ministara Bosne i Hercegovine je na 82. sjednici održanoj 2.4.2009. godine, utvrdilo sljedeći

ODGOVOR

Ministarstvo civilnih poslova Bosne i Hercegovine kontinuirano radi na implementaciji Zakona o lijekovima i medicinskim sredstvima („Službeni glasnik BiH“, broj 58/08) od njegovog donošenja i stupanja na snagu.

Naime, na prijedlog Ministarstva civilnih poslova Bosne i Hercegovine, a u skladu sa članom 136. Zakona o lijekovima i medicinskim sredstvima, Vijeće ministara Bosne i Hercegovine donijelo je Odluku o početku rada Agencije za lijekove i medicinska sredstva Bosne i Hercegovine („Službeni glasnik BiH“, broj 78/08), kojom se zadužuje Ministarstvo civilnih poslova Bosne i Hercegovine da pokrene i provede proceduru imenovanja članova Stručnog vijeća Agencije za lijekove i medicinska sredstva i u saradnji sa Stručnim vijećem Agencije za lijekove i medicinska sredstva Bosne i Hercegovine provede proceduru imenovanja direktora i zamjenika direktora Agencije za lijekove i medicinska sredstva Bosne i Hercegovine.

Vijeće ministara Bosne i Hercegovine je na sjednici održanoj 03.12.2008.godine na prijedlog Ministarstva civilnih poslova Bosne i Hercegovine, sačinjenog na osnovu kandidatske liste entitetskih ministarstava zdravstva i Odjela za zdravstvo Brčko Distrikt, donijelo Odluku o imenovanju članova Stručnog vijeća Agencije za lijekove i medicinska sredstva Bosne i Hercegovine („Službeni glasnik BiH“, broj 105/08).

Ministarstvo civilnih poslova BiH je u skladu sa Zakonom o ministarskim imenovanjima, imenovanjima Vijeća ministara i drugim imenovanjima Bosne i Hercegovine („Službeni glasnik BiH“, broj 37/08) provelo proceduru za izbor i imenovanje direktora i zamjenika direktora Agencije za lijekove i medicinska sredstva Bosne i Hercegovine. U skladu sa postupkom izbora, Ministarstvo civilnih poslova BiH dostavilo je Stručnom vijeću Agencije za lijekove i medicinska sredstva Bosne i Hercegovine Prijedlog rang liste za imenovanje direktora i zamjenika direktora Agencije.

Na sjednici održanoj 18.12.2008.godine Vijeće ministara BiH imenovalo je direktora i zamjenika direktora Agencije za lijekove i medicinska sredstva Bosne i Hercegovine („Službeni glasnik BiH“, broj 105/08).

Sa ciljem uspostave rada Agencije, u punom kapacitetu u skladu sa Zakonom o lijekovima i medicinskim sredstvima, Ministarstvo civilnih poslova Bosne i Hercegovine, obratilo se entitetskim ministarstvima zdravstva sa zahtjevom da pokrenu proceduru donošenja Odluka o prestanku rada Zavoda za kontrolu lijekova Federacije Bosne i Hercegovine i Agencije za lijekove Republike Srpske, zaključno sa danom preuzimanja osoblja od strane Agencije za lijekove i medicinska sredstva Bosne i Hercegovine.

Obzirom da Zakon o lijekovima i medicinskim sredstvima ne predviđa način preuzimanja opreme i arhive entitetskih agencija, Ministarstvo civilnih poslova Bosne i Hercegovine zatražit će od Vijeća ministara Bosne i Hercegovine saglasnost za zaključenje i prihvatanje sporazuma sa predstavnicima entitetskih vlada o prestanku rada, preuzimanju arhive, opreme i zaposlenih Zavoda za kontrolu lijekova Federacije Bosne i Hercegovine i Agencije za lijekove Republike Srpske.

Ministarstvo civilnih poslova Bosne i Hercegovine zatražilo je od entitetskih ministarstava zdravstva da, bez odlaganja, i u što kraćem roku poduzmu sve mjere i aktivnosti iz svoje nadležnosti i pokrenu proceduru donošenja Odluke o prestanku rada Zavoda za kontrolu lijekova Federacije BiH i Agencije za lijekove i medicinska sredstva Republike Srpske. Takođe, Ministarstvo civilnih poslova BiH podnijelo je Vijeću ministara BiH prijedlog za donošenje Odluke o dodjeli finasijskih sredstava za rad Agenciji za lijekove i medicinska sredstva Bosne i Hercegovine, kako bi se omogućilo da Agencija za lijekove i medicinska sredstva Bosne i Hercegovine otpočne funkcionisanje u punom kapacitetu.